

DANBORRADAREN ANTOLAKETA TALDEAREN OHARRA

Danborradaren antolaketa taldeak jakinarazi nahi du gure ibilbidea amaitzear dagoela, eta aurtengoa izango dela gure azken urtea lan honetan.

Duela urte batzuk denon artean adostu zen bezala, antolaketa lan hau txandaka egingo zela danborrada osatzen duten konpainia artean. Helburua ardura partekatua izatea, lanaren zama banatzea eta ekimenaren jarraipena modu orekatuan bermatzea.

Gure taldeak konpromiso eta ilusio handiz hartu zuen ardura hau, eta urte hauetan guztietan ahalegin handia egin dugu danborradaren antolaketa ahalik eta ondoen aurrera eramateko. Orain, hasieran adostu zen moduan, lekukoa pasatzeko garaia iritsi da.

Horregatik, danborradaren jarraipena bermatzeko, ezinbestekoa da antolaketa lan hau bere gain hartuko duen talde berri bat osatzea. Parte hartzen duten konpainia eta kide guztiak animatu nahi ditugu pausoa eman eta ardura hau hartzera, gure jaia bizirik eta indartsu mantentzeko.

Eskerrak eman nahi dizkiegu urte hauetan guztietan lagundu diguten pertsona, konpainia eta erakunde guztiei. Zuen laguntzarik gabe ezinezkoa izango zen egindako lana.

Orain, etorkizunari begira, guztion artean danborradaren tradizioari eusten jarraitzea dagokigu.

Legazpiko Herri Danborrada Antolaketa taldea.

